

影印
文淵閣

四庫全書

影印

文淵閣四庫全書

第三四〇冊

北京出版集團公司
北京出版社

本冊目次

御定資治通鑑綱目三編

清 張廷玉奉敕撰……………一

欽定四庫全書

史部

御定資治通鑑綱目三編
上諭
卷一

詳校官庶吉士臣胡鈺

編修臣裴謙覆勘

總校官舉人臣章維桓

校對官編修臣吳舒帷

謄錄監生臣龔述祖

乾隆四十年五月十五日內閣奉

上諭前曾命倣朱子通鑑綱目體例纂為明紀綱目刊行已久茲披閱葉向高集見其論福藩田土疏所叙向日旨意云養贍地土原給四萬頃卿等屢奏地土難以湊處王亦見辭今減去二萬頃云云則福王當日所得之田僅二萬頃今綱目載福王常洵之國條云賜莊田四萬頃中州腴土不足取山東湖廣田益之與向高有不合又所載青海朵顏等人名對音沿用鄙字與今所定同文韻統音字及改正遼金元國語解未為畫一是張廷玉等原辦綱目惟務書法謹嚴而未暇考核精當尚不足以昭傳信著交軍機大臣即于方畧館將原書改纂以次進呈候朕親閱鑒定其原書著查繳欽此

欽定四庫全書

御定資治通鑑綱目三編
上諭

乾隆四十年五月十八日內閣奉

上諭昨因明紀綱目考核未為精當命軍機大臣將原書另行改輯候朕鑒定因思綱目三編雖亦曾經披覽但從前所進呈之書朕鑒閱尚不及近時之詳審若通鑑輯覽一書其中體例書法皆朕親加折衷一本大公至正為可法則此次改編綱目自當倣照辦理又明史內於元時人名對音訛舛譯字鄙俚尚沿舊時陋習如曷作為免之類既於字義無當而垂

欽定四庫全書

御定資治通鑑綱目三編
上諭

之史冊殊不雅馴今遼金元史已命軍機大臣改正另刊明史乃本朝撰定之書豈轉可聽其訛謬現在改辦明紀綱目著將明史一併查改以昭傳信朕非于此等音譯字面有所偏袒蓋各國語音不同本難意存牽合即如滿洲蒙古文譯為漢文此音彼字兩不相涉乃見小無識之徒欲以音義之優劣強為分別軒輊實不值一喙朕每見法司爰書有以犯名書作惡劣字者輒令改寫而前此書回部者每加犬作

狃亦今將犬旁削去誠以此等無關褒貶而適形鄙俚實無足取況當海寓同文之世又豈可不務為公溥乎將此通諭知之所有原頒明史及綱目三編俟改正時並著查繳欽此

欽定四庫全書

御定資治通鑑綱目三編
上諭

御定通鑑綱目三編原序

編年之書莫當數十百家而必以朱子通鑑綱目為準
通鑑綱目蓋祖述春秋之義雖取裁於司馬氏之書而
明天統正人心昭監戒者幾微得春秋大居正之意雖
司馬氏有不能窺其藩籬者其他蓋不必指數矣嘗謂
讀書立言之士論世為難非如朱子具格致誠正之功
明治亂興衰之故其於筆削鮮有不任予奪之私失褒
貶之公者自綱目成而義指正大條理精密後儒有所
依據踵而續之由宋迄元釐然方策至明代君臣事蹟
編輯之難更倍于諸書蓋明史已成於百年之後而世
變風漓記載失實若復遲待將何以繼續編而示來許
爰亟命儒臣法朱子通鑑綱目義例增損編摩大書以
提要分注以備言每一卷成呈覽朕於幾暇亦時御丹
鉛為之叅定雖於天人一貫之精微未之能盡而惟是
謹嚴之義守而弗失簡正之旨志而必勉書既成羣臣
舉唐太宗之事為言勉從其請而為之序云

欽定四庫全書

御定資治通鑑綱目三編
原序

欽定四庫全書

御定資治通鑑綱目三編
原序

乾隆十一年夏四月朔御製

御製明史綱目書成有述 并序

明史綱目之書不可不亟成之而又不欲率就之
蓋明史已出於百年以後綱目若復遲待咎將誰
諉而取裁義例校閱諸臣一一請示既以身任其
事則不得徒博欽定名目已也將天下後世之公
論於是乎在書成既親序以冠簡端復為此詩以
見意并識有明三百年興亡之概焉

欽定四庫全書

御製詩

直道惟憑信史留斯民三代理無偷學探司馬治平要
書慕文公體例優亦曰此心無予奪敢云我志在春秋
編摩端識權衡在魚魯何妨付校讐

蛇分星聚瑞符覃崛起原從皇覺菴燕國帝車遙指北

金陵王氣遂昌南一時開創經猷集奕世風聲節義談

若論

興王自東土比湯慙德更無慙

昔人謂三代以下開創之主要當以漢高祖元

世祖明太祖為正然漢明雖起布衣究其字內之臣也
元雖非宋臣猶嫌取自其手惟我朝平季自成之亂而
有天下於明為有恩
比元尤為盡善云

金川門外血波橫大義奚稱旦輔成難諱齊黃疎計畧
尚憐氣節在公卿縞衣不辨真今偽斗粟從來弟與兄
獨笑吉安胡侍講一豬不忍太癡情

慢言此輩弱而愚甫節魚童何代無不少英明偏授柄
端因威福遂專樞善窺更自依房闥妙術惟應導宴娛
屋社當年緣底事厲階屢肇自宮徒

持盈保泰信惟難往復平陂理轉環拜疏省僚羣自去

垂衣宮禁尚耽閒蜩蟬三案紛轆轤門戶東林激變患

欽定四庫全書

御製詩

獨有思陵殉宗社故宜矜惜動

龍顏 明之亡實亡於萬歷之惰於為政及天啟之闇不
盡崇禎之罪也故我世祖以禮葬於思陵加

諡建碑較
古獨厚云

賞罰當時猶貴信況於萬世信無刊 二語本方孝孺史論意 從來

舊史傳三述亦越新編切五難義利纖毫無或與勸懲

一字必期安試觀三百年間事已意曾無愛惡干 從來

者於本朝多諱詞於勝國必過語此春秋以後所以少
信史也朕每引為深戒故於明史綱目亦唯善者善之
惡者惡之因物付物不敢以己意好惡為
褒貶後之觀是書者其必有以諒吾矣

欽定四庫全書

史部二

御定資治通鑑綱目三編

編年類

提要

臣等謹案

御定資治通鑑綱目三編四十卷乾隆四十年奉

勅撰初大學士張廷玉等奉

勅採明一代事迹撰通鑑綱目三編以續朱子商

輅之書然廷玉等惟以筆削褒貶求書法之

欽定四庫全書

御定資治通鑑綱目三編
提要

謹嚴於事迹多所挂漏又邊外諸部於人名

地名多沿襲舊聞無所考正尤不免於舛訛

夫朱子初例之初原以綱仿春秋目仿左傳

春秋大義數十炳若日星然不詳核左傳之

事迹於聖人予奪之旨尚終不可明況史籍

編年僅標梗概於大書而不具始末於細注

其是非得失又何自而知即

聖諭所指福藩田土一條其他條之疎漏可以例

推至譯語惟取對音原無意義而宋人妄生

穿鑿乖謬不經如趙元昊自稱元卒即烏珠

之轉音而宋人訛為吾祖遂以為元昊見侮

又如蕭鷓巴亦非漢名而宋人以對曾純甫

借鷓鴣之音以為惡謔沿及明代此習未除

如

聖諭所指朶顏青海諸人名書圖為免之類亦往

往而有鄙倍荒唐尤不可不亟為釐正是編

欽定四庫全書

御定資治通鑑綱目三編
提要

仰稟

審裁於大書體例皆遵

御批通鑑輯覽而細注則詳核史傳補遺糾謬使

端委秩然復各附發明以闡褒貶之義各增

質實以資考證之功而譯語之誕妄者亦皆

遵

欽定遼金元國語解一一改正以傳信訂訛較張

廷玉等初編之本實倍為精密

聖人制事以至善為期義有未安不以已成之局

而憚於改作此亦可仰窺萬一矣乾隆五十

年二月恭校上

總纂官 臣紀昀 臣陸錫熊 臣孫士毅

總校官 臣陸費墀

欽定四庫全書

御定資治通鑑綱目三編
提要

三

凡例

一綱目三編現在遵

旨照

御批通鑑輯覽改纂凡紀年系統諸大端及一切書法

均應仰遵

筆削定例永示準繩至三編原本每年所列綱目不過數條而輯覽內條數較多于一代治忽所關更為明脩自應將輯覽所增一併敬謹添輯

欽定四庫全書

御定資治通鑑綱目三編
凡例

一查朱子綱目原有尹起莘發明劉友益書法及質實正誤附入各條綱目之下明代所修續綱目內亦有發明廣義諸條皆所以推闡大義考證故實足為本書羽翼而綱目三編內從前未經辦及現在

御批通鑑輯覽俱仰稟

睿裁大旨微言昭揭星日 臣等遵照改輯自應于

特筆所在各做照前例恭加發明詳悉闡繹庶

系鉞謹嚴大公至正之意更足昭示萬世至其間姓名爵里及輿地官制等類本文內未能該盡者並擬各加質實俾讀者開卷了然似于體例尤為周密一原書內如載福王之國撥給莊田四萬頃一條葉向高集內實作二萬頃仰蒙

聖明指示_臣等因檢明史福王傳內詔賜莊田四萬頃句下有所司力爭常洵亦奏辭得減半之文因原

書採摘未全紀載遂致失實又福王傳于此條下

欽定四庫全書

御定資治通鑑綱目三編
凡例

三

尚有奏乞張居正沒產沿江洲稅四川茶銀淮揚鹽引河南北齊楚間所至騷動等事必須連類並載足以見神宗寵溺失德之實而原書概行刊除亦不免過于簡畧今擬各條紀事俱將明史紀傳逐一參訂考核異同如有舛漏即行詳確改正其或有情事未能詳盡者亦各酌量添修務令首尾該具核實無訛庶足永稱傳信

一綱目三編內所有蒙古等人地官名之對音訛舛

譯字鄙俚者均應做照現辦遼金元國語解之例譯改

一此次改編綱目折衷論定均仰荷

聖訓詳明應請恭錄前後

諭旨冠于簡編次列

御製原序庶俾辦理原委次第秩然

欽定四庫全書

御定資治通鑑綱目三編
凡例

三

欽定四庫全書

御定資治通鑑綱目三編卷一

起武元順帝年正二十八年明太祖
洪武元年五月凡五年
西順帝年正二十八年明太祖
洪武元年五月凡五年
中順帝年正二十八年明太祖
洪武元年五月凡五年
春正月吳

相國李善長等奉吳王朱元璋為皇帝國號明

元璋字國瑞先世家沛徙句容再徙泗洲父世珍始
祖濠之鍾離生四子元璋其季也母陳氏元天曆元
年元璋生至中統有先比長安貌雄傑志意廓然至
皇覺時為僧游食諸州復還寺是時元政不綱盜四
起方國珍起海上劉福通奉韓山童起賴州徐壽輝

欽定四庫全書

御定資治通鑑綱目三編

起新水東各數萬他盜擁兵據地寇掠甚衆十二年
定遠人郭子興等起兵濠州元璋謁之子興奇其貌
留為親兵戰輒勝妻以所撫馬氏女明年收里中兵
得七百人子興署為鎮撫既而與所部將徐達湯和
費聚等南畧定遠降驢牌寨民兵三千襲張瑄院于
橫澗山收其卒二萬道遇李善長與語大悅留掌書
記遂東攻滁州下之其年張士誠起高郵十五年子
興遣張天祐等攻拔和州命元璋統諸將守其地未
子興卒福通立山童子林兒于毫徽子興子天叙為
都元帥元璋及天祐為左右副元帥元璋不受然以
其勢方盛可倚藉乃用龍鳳年號以令軍中常遇春
來歸遂渡江拔牛渚下太平十六年取集慶路改為
應天府會池州已為壽輝將所據士誠自淮東陷平
江諸路轉掠浙西元璋慮壽輝士誠強江左浙古諸
郡遂為所併於是命將取鎮江廣德尋自稱吳國公
次第畧定江左浙右士誠兵不得四出勢漸蹙而壽

欽定四庫全書

御定資治通鑑綱目三編

輝將陳友諒日強二十年友諒弒壽輝僭號盡有
江西湖廣地欲東取應天元璋患友諒與士誠合設
計令其故人康茂才給友諒速來敗之于龍灣明年
自將舟師征友諒敗之於江州克其城友諒奔武昌
分徇南康建昌蕪湖廣濟皆下旋克撫州二十二年
友諒偽丞相胡廷瑞以隆興降改為洪都府元帝遣
使授元璋江西行省平章政事不授時林兒屢為元
師所敗勢大窘二十三年士誠將呂珍圍林兒于安
豐破之殺福通元璋馳救擊走珍以林兒歸居之滁
州友諒大舉兵圍洪都元璋自將救之友諒撤圍還
戰于鄱陽湖屢敗中流矢死其將張瑄定邊以友諒子
理奔武昌二十四年元璋自立為吳王建百官復自
將征理降之封為歸德侯又二年林兒卒遂以明年
為吳元年建廟社宮室祭告山川益至正二十六年
也二十七年九月徐達克平江親士誠十月命達為
大將軍常遇春副之率師二十五萬北定中原十一

欽定四庫全書

御定資治通鑑綱目三編

三

明為州屬揚州府和州北齊置元屬廬州路明直隸
州今皆因之亳州後周置元屬歸德府明屬鳳陽府
今屬潁州府牛渚山北曰采石相去里許在當塗縣
西北二十里太平宋州元路明改府今因之應天府

元建康路文宗改集慶明初建都今江寧府池州唐
置元路明改府平江隋蘇州宋平江軍尋升府元路
明蘇州府鎮江宋府元路明初曰江准府尋復曰鎮
江府廣德晉縣宋置軍元路明初改府尋降直隸州

今皆因之龍灣在上元縣西北十五里江州隋九江
郡唐為江州明改九江府武昌三國吳郡元路明改
府南康宋軍元路明改府建昌宋軍元路明初改肇
昌府尋改建昌府新州後周置元路明初改府尋降

州屬黃州府黃州隋置元路明初改府今皆因之廣
濟唐縣明屬蘄州今屬黃州府撫州唐置元路明改
府隆興漢豫章郡治南昌縣唐為洪州都督府南唐
為南昌府宋改隆興府元路明改洪都府尋復為南

昌府安豐隋壽州宋壽春府乾道四年改安豐軍元
路明復為壽春府尋降壽州屬鳳陽府今皆因之都
陽湖即彭蠡湖在南昌縣東北百五十里慶元唐明
州宋升慶元府元路明初為明州府尋改寧波府今

因之南郊在工元縣東北南山之陽方國珍黃巖人
劉福通潁州人韓山童樂城人徐壽輝羅田人郭子
興其先曹州人父郭公以日者術遊定遠遂家焉馬
氏是為明孝慈高皇后宿州人徐達字天德湯和字

鼎臣皆濠人費聚字子英五河人李善長字百室定
遠人張士誠泰州人張天祐郭子興婦弟常遇春字
伯仁懷遠人陳友諒沔陽人胡廷瑞沔陽人後
易名美康茂才字壽卿新州人陳理友諒次子

發明

是年閏七月元順帝出居北漢明始一統故

例于是年分為二卷以昭正統之公今作明紀綱
目專叙明一代事蹟故于歲首即書洪武紀年仍

追尊祖考為皇帝

川元至正於前雙行分注至洪武二年始大書
標紀兩書體例雖有不同而史法之正則一也

高祖考曰元皇帝廟號德祖曾祖考曰恒皇帝廟號
懿祖祖考曰裕皇帝廟號熙祖考曰淳皇帝廟號仁
祖妣皆皇后詔製太廟實實一祖妣王太廟祭器如
廟祭器如事生之儀實實一祖妣王太廟祭器如
事生之儀按明史禮志宗廟祭器用銀以金塗之尋
盡易以金酒壺並饌每事皆八米漆盤盤二百四十
曄曄枕簟篋筭具

立妃馬氏為皇后世子標為皇太子

后仁慈有智鑒好書史當吳漢接境戰爭無虛日
手緝甲士衣履佐軍嘗言治天下以不殺人為本帝

欽定四庫全書

御定資治通鑑綱目三編

四

善之既即位欲官后族謝曰爵祿私外家非法力辭
而止乃追封后父馬公徐王修墓置廟標后長子也
質實馬公逸其名后母鄭媼追封王夫人

以李善長為左丞相徐達為右丞相

善長有智計習法家言策事多中帝嘗問曰四方戰
鬪何時定乎對曰漢高起布衣路遠大度知人善任
不嗜殺人五載成帝業今元網既素天下土崩瓦解
公濠產距沛不遠山川王氣公當受之法其所為天
下不足定也帝稱善諸將來歸善長察其材言之帝
復為帝布款誠使皆得自安帝深倚之自將征討皆
命居守轉調兵餉無乏嘗請定鹽茶法斟酌元制去
其弊用益饒而民不困帝稱善吳王時拜右相國吳元
年封宣國公十月命百官禮儀俱尚左改左相國而
徐達為右至是詔以左丞相兼太子少師達年二十

二從帝與常遇春俱為軍鋒冠及為大將拔鎮江克
常川寧國畫護諸將帝稱吳王為左相國克廬州平
湖湘及淮南北拜大將軍征吳達與遇春約曰師入
我營其左公營其右今將士曰掠民財毀民居離營
二十里者死既破平江執士誠吳人安堵如故封信
國公長于謀畧所至不擾帝諭諸將御軍持重有紀
律戰勝攻取得為將之體者莫如大將軍達北
定中原齊地悉平至是為右丞相兼太子少傅
鹽茶課食貨志初立鹽法置局設官二十取一引茶
百餉輸錢二百常州隋置州寧國唐置軍
廬州隋置州元皆為路明政府今皆因之

庚寅彗星見

彗星見 質實 元史順帝本紀明文志同志又云
於昂畢 質實 三月辛卯彗星出昂北大陵天船間長

欽定四庫全書

御定資治通鑑綱目三編

八尺餘指文昌近五車四月己酉沒
於五車北按彗見除舊布新之象

征南將軍湯和克福建元平章陳友定死之

先是至正二十六年秋八月元以友定為福建平章
畫有八閩之地帝命和由明州海道取福州胡美由
江西趨杉關而別遣使至延平招友定友定置酒會
諸將殺使者悉血酒中與眾酌飲之誓以死守已聞
杉關破急分軍為二以一軍守福而自帥一軍守延
平和舟師抵福之五虎門蟻附登城守將適參政尹
克仁宣政使多爾瑪不屈死僉院拜特穆爾殺妻妾
二女縱火自焚死時胡美已克建寧和遂進攻延平
友定欲以持久困之諸將請出戰不許數請不已友
定疑之殺蒲院判軍士多出降者會軍器局火成中
礮聲震地明師知有變急攻之友定呼其屬與訣退
入省堂仰藥死達噶齊巴哈瑪勒副樞陳英輔皆

自經死所部開門納明師穿友諒出水東門未絕也
天大雷雨友定復甦械送京師帝詰之友定厲聲曰
國破家亡死爾尚何言遂併其子海殺之延平既下
興化彰州皆望風附獨漳州路達噶齊德爾密實
自親時稱閩有三忠謂友 質實 明州海道自府屬定
定拜特穆爾德爾密實也 質實 海縣沿海而南即取
福州之運道福州唐置元路明府今因之杉關在邵
武府光澤縣西北九十里至江西建昌府百二十
里延平元路明府今因之五虎門在福州府閩縣東
百里海十五虎山下建寧宋府興化宋軍泉州漳州
皆唐州元皆為路明政府今因之陳友定字安國福
清人徙清流多爾瑪舊作朵耳麻拜特穆爾舊作
栢帖木耳達噶齊官名首領也舊作達魯花赤巴
哈瑪勒舊作白哈麻德爾密實室舊作迷里彌實今並
改

欽定四庫全書

御定資治通鑑綱目三編

發明

按明史友定頗任威福有跋扈心漳州守將
良責之怨竟以兵誅良而陳瑞孫孔楷詹翰

皆被殺威震八閩然事元未嘗失臣節歲輸粟數
十萬石海道遠速至者嘗十三四順帝嘉之卒能
父子死義其功罪尚不相掩若庫庫特穆爾忘其
削爵見討遂據太原殺官吏致敵人得以乘釁長
驅其貽誤宗邦實甚雖元亡後未嘗不以興復為
志岢嶇塞外百戰不屈明祖亦歎為天下奇男子
不可得而臣然其始之叛跡非晚節
所能蓋固未可與友定相提而論矣

元削庫庫特穆爾爵邑命圖嚕李思齊討之

元至正二十五年庫庫特穆爾受詔平江淮檄開中
郭國公李思齊等會師思齊故與庫庫特穆爾之父
察罕特穆爾同起義兵齒位相時得檄大怒曰吾與
若父交若髮未燥敢檄我耶今一騎母出關庫庫特

庫庫特穆爾前
與李思齊等兵
連禍結尚屬私
怨爾等豈是則兒
入據太原盡殺

朝廷所置官吏
顯然相抗直是
叛矣論者或謂
庫庫特穆爾後
此孤軍塞外猶
然力戰不屈使
得自遂中原國
事尚未可知而
歸其咎于太子
挾恨輕加削奪
驅而為博爾特
穆爾之續坐致
宗社淪亡其所
以責太子者誠
當然彼時明兵
已盡有小東新

將由汴入陝即
使庫庫特穆爾
奮志勤王亦未
必即能恢復銀
宇中興社稷乃
同仇國家之患
不禦外侮而轉
成內訌累世志
勤至此而棄何
其難也

穆爾遂入關攻思齊等相持經年數百戰未能決元
帝詔令罷兵專事江淮庫庫特穆爾不奉詔遣其驍
將庫該趨河中欲出不意將鳳翔覆思齊巢穴行至
衛輝軍變庫該遂不聽庫庫特穆爾節制疏列其罪
狀上之朝初元年章博羅之亂太子阿祿實哩達喇
出奔太原欲用唐肅宗靈武故事自立庫庫特穆爾
不可及博羅伏誅奉太子還京師元后諭令以重兵
衛入城脅元帝禪位又不從由是太子深銜之而元
帝亦心忌其跋扈會庫該奏至元帝乃削庫庫特穆
爾太傅中書左丞相今以河南王就食邑分所部兵
隸諸將太子開大撫軍院于京師總制天下軍馬專
備庫庫特穆爾庫庫特穆爾受詔退軍駐澤州其部
將闕保亦自拔歸于朝元帝知其勢孤詔思齊等東
出關與庫該合攻之而令闕保以兵戍太原庫庫特
穆爾憤甚引兵據太原盡殺朝廷所置官吏於質實
是元帝下詔悉奪其爵邑令國嘗等四面進討質實

欽定四庫全書

御定資治通鑑綱目三編

卷一

河中後周蒲州唐改河中府元屬晉寧路明復曰蒲
州屬平陽府 本朝雍正三年升直隸州六年升府
鳳翔唐郡尋改府金為鳳翔路治置總管府元至
元九年更為散府明及今因之衛輝同衛國地唐
為衛州元置衛輝路明改府太原秦郡元冀寧路
明改太原府今並因之澤州隋置元屬晉寧路明
為直隸州 本朝雍正六年升府庫庫特穆爾本
王姓小字保保平章察罕特穆爾之甥養為子圖
魯陝西行省左丞相李思齊羅山人察罕特穆爾
沈邱人 庫庫特穆爾舊作察罕帖木兒圖魯舊
作禿魯察罕特穆爾舊作察罕帖木兒摩該舊作
額高博羅舊作字羅阿祿實哩達喇舊作愛猷識
里達臘 今並改

三月修女誠

帝謂翰林學士朱升等曰治天下修身為本正家為
先正家之道始於謹夫婦后雖母儀天下然不可使
預政事嫡嫡之屬不過備職事侍中御史或過則
驕恣犯公廕代政由內出鮮不為禍惟智者能察于
未然其纂述女誠及古賢后妃質實朱升字允
事可為法者使子孫知所持守質實升休寧人

夏四月蕪州進竹簞却之

命四方無
妄有獻

征南將軍廖永忠取廣東

永忠自福州以書凡行省左丞何真真迎降永忠至
廣州降盧左丞擒海寇郭宗愚斬之遣使揮使陸仲
亨畧定清遠英德連州肇慶德慶龍川海北
海南諸道皆降安南聞風納款廣東悉平 質實州

欽定四庫全書

御定資治通鑑綱目三編

卷一

三國吳置元路明府清遠縣梁置元明屬廣州府英
德宋府元路明府復為州明屬廣州府今直隸州肇慶
宋府元路明府德慶宋府元路明府今屬肇慶府今
並因之元海北海南道宣慰司治雷州明史六月海
南海北諸道降安南古交趾地明史十二月國王陳
日燿遣使朝貢廖永忠集人何真東莞人陸仲亨濠
人

將軍徐達常遇春大破元兵於洛水北元梁王阿掄以

河南降

徐達下山東會遇春於濟寧引舟師沂河趨汴梁守
將李克彞走左君弼珠占等降遂自虎牢關入元守
將托音特穆爾以兵五萬陳洛水北遇春單騎突陣
元兵二十餘騎攢槩刺之遇春一矢殪其前鋒大呼

馳入元軍大潰追奔五十餘里梁王阿倫降高陝陳汝諸州次第畧定帝如汧梁改為開封府名徐達至命率師北伐諭之曰中原之民久為羣雄所苦故命將北伐極民水火元祖宗功德在人其子孫周恤民隱天厭棄之君實有罪民則何辜前代革命之際肆行屠戮朕實不忍諸將毋肆焚掠妄殺人之宗戚或俾安全庶幾上答天心下慰實實洛水在洛陽縣民望遠頓首受命帝尋還應天

元路明初改府洪武十八年改州屬兗州府今直隸州汧梁元改金汧京為汧梁路今仍開封府虎牢關在汧水縣西二里萬州金置元屬南陽府明改縣屬河南府今因之陝州後魏置元明屬河南府今直隸州陳州周陳國後周置陳州元明屬開封府今升府汝州隋置元屬南陽府明改直隸州今因之阿倫察罕特穆爾之父阿倫舊作阿魯溫珠占舊作竹貞托音特穆爾舊作脫因帖未兒今並改

欽定四庫全書

御定資治通鑑綱目三編

都督同知馮勝克潼關

師取河南元李思齊及參政張思道合兵駐潼關火焚思道營思齊移軍蒹葭灘勝攻潼關守將迎戰破之遂奪關取華州思齊奔鳳翔思道奔

東四里葫蘆灘在華陰縣渭水南華州後魏置元屬東元路明屬西安府今屬同州府鄭州城隍元鄭州屬延安路明屬西安府今直隸州馮勝克遠人初名國勝又名宗異最後名勝張思道元史作張良弼

六月平章楊璟克廣西

璟攻永州守將鄧祖勝敵兵固守璟分營築壘造浮橋西江急攻之祖勝力盡仰藥死遂克永州以次定賓慶全州道州藍山諸州縣進攻靜江不下璟謂諸將曰彼所恃西濠水耳決其堤岸破之必矣乃遣將

殺守堤兵盡決濠水築土堤五道傳城攻兩月會廖永忠及參政朱亮祖自廣東取梧州元吏部尚書布延特穆爾戰死張翥赴水死定濤貴鬱林亮祖以兵來會其總制張瑄約降瑄與之白帽為識夜半從寶賢門入執元平章額爾吉納其都事趙元龍陳瑜劉永錫廉訪司僉事特穆爾布哈元帥約尼圖們萬戶董綽哈府判趙世傑皆自殺移師彬州降兩江土官黃英衍岑伯顏等永忠亦定南臨象州廣西悉平

質實 永州隋置寶慶宋府元路為路明改府全州晉置元路明改州屬桂林府道州唐置元路明改

州屬永州府藍山縣唐置元屬桂陽路明屬桂陽州靜江宋府元路明改桂林府梧州唐置元路明屬梧州今唐置元路明府貴州唐置元州明屬梧州府今直隸州今並因之鬱林漢郡元州明屬梧州府今直隸州彬州隋置元路明直隸南寧元路明府象州隋置元州明屬柳州府今皆因之楊璟合肥人朱亮祖六安人

欽定四庫全書

御定資治通鑑綱目三編

秋閏七月元復庫庫特穆爾官爵命帥師會諸將復河洛

關保摩該攻晉寧庫庫特穆爾與戰擒之以聞順帝詔可依軍法處治遂皆殺之乃下詔歸罪于太子罷大撫軍院誅知院市巴延特穆爾等命庫庫特穆爾仍前河南王左丞相統軍馬直抵彰德衛輝右丞相伊蘇由東道同圍噶魯思齊四道進兵克復汧洛質詔下而明兵已逼庫庫特穆爾自晉寧退守太原質

晉寧元路明改平陽府彰德五代晉置軍元路今並改

發明 庫特穆爾不從太子靈武之謀與奇后內環攻若拒太敵及其據太原殺官吏叛罪著矣乃受詔討罪者旋被執戮帝即報可何其辱也是時

山東河南盡為明有詔書並下而事已不可為矣刑賞予奪太阿倒持國之將亡又誰咎哉

徐達克通州元帝奔上都八月師入大都元監國淮王

特穆爾布哈死之元亡

徐達帥師發開封遣裨將分道徇河北地連下衛輝彰德廣平次臨清使參政傅友德開陸道通步騎都

欽定四庫全書 御定資治通鑑綱目三編

卷一 十一

元始滅然史家于是年即大書元亡以其失統系而遠避正也

知此之為正則知宋亡而仍系

星為正統之非正矣天命何常常有德有天下者能守

其統系即一錢

僅延亦不可輕加以貶絕如宋

高宗之遷臨安

雖屬偏安尚未

至于亡是也若

宗社淪亡流離遁去即不得復存其統系如宋二王之居嶺海元順帝之居漠北是也進退于奪應視其事以衡豈可以殊中外而有所抑揚乎其間前于宋末已著其說茲復引而申之使天下萬世知史法大公至當之理應如此明修元史金應

其十三朝實錄即無危素亦何慮其散佚無存至于元統以後史所未備素果足資詢考何不聞就而訪其遺事仍待遺使分求其素于文獻皆無足徵徒飾奇儒之言以文其不死不深可賤子籍云與史為存亡則史既成書即當舉程嬰之例捐軀明

及傅友德等巡古北諸隘口元亡元翰林侍制黃淑仕殺并死左丞丁敬可總督郭允中皆死之翰林承旨承旨危素趨報恩寺將入寺僧大拜挽之曰公死是死國也素遂止兵迫史庫素往告鎮撫吳勉輩

實錄而實實 通州金置元屬大都路明屬順天府今出之 實實 因之工部金桓州地元中統初建開平府五年號為上都明初置開平府在獨石口東北二百二十五里今多倫諾爾大都金燕京元至元九年建為大都明建北京改順天府廣平漢國元路明府今皆因之臨清後魏置元縣屬濮州明屬東昌府後改州今升直隸州德州屬南府今並因之長蘆北周縣以蒲州地為陵縣屬南府今並因之

縣宋改鎮元遷汾州治此明置鹽運司在滄州西北今移駐天津直沽小直沽在今天津縣北大直沽在縣東南十里河西務在今武清縣東北三十里健德門齊化元至元四年于今都東北至京城方六十里

分十一門北之西曰健德東之右曰齊化六街改飛熊街為大興縣街淮安街為大興右衛樂安街為燕山左衛濟寧街為燕山右衛青州街為永清左衛徐州五所為永清右衛古北口在密雲縣東北百二十里傅友德錫山人顧時字時舉漢人孫興祖漢人薛顯蕭人危素字太模金谿人入明授翰林侍講學士年已七十餘一日帝御東閣側室素行簾外履聲索索然帝問誰也對曰老臣危素帝曰朕謂天大祥耳御史王若論素亡國之臣不宜列侍從詔謫居和州守余闕廟歲餘卒 特穆爾布哈舊作帖木耳不

花布延特穆爾布哈舊作帖木耳不花布延特穆爾布哈舊作帖木耳不花布延特穆爾布哈舊作帖木耳不

物們舊作失列門赫色舊作黑爾巴延布哈舊作伯顏不花集賽依舊作怯薛歹德爾單實舊作迷兒必失保賽音布哈舊作札賽因不花穆辰舊作滿川今

並改

欽定四庫全書 御定資治通鑑綱目三編

卷一 十一

其十三朝實錄即無危素亦何慮其散佚無存至于元統以後史所未備素果足資詢考何不聞就而訪其遺事仍待遺使分求其素于文獻皆無足徵徒飾奇儒之言以文其不死不深可賤子籍云與史為存亡則史既成書即當舉程嬰之例捐軀明

及傅友德等巡古北諸隘口元亡元翰林侍制黃淑仕殺并死左丞丁敬可總督郭允中皆死之翰林承旨承旨危素趨報恩寺將入寺僧大拜挽之曰公死是死國也素遂止兵迫史庫素往告鎮撫吳勉輩

實錄而實實 通州金置元屬大都路明屬順天府今出之 實實 因之工部金桓州地元中統初建開平府五年號為上都明初置開平府在獨石口東北二百二十五里今多倫諾爾大都金燕京元至元九年建為大都明建北京改順天府廣平漢國元路明府今皆因之臨清後魏置元縣屬濮州明屬東昌府後改州今升直隸州德州屬南府今並因之

縣宋改鎮元遷汾州治此明置鹽運司在滄州西北今移駐天津直沽小直沽在今天津縣北大直沽在縣東南十里河西務在今武清縣東北三十里健德門齊化元至元四年于今都東北至京城方六十里

分十一門北之西曰健德東之右曰齊化六街改飛熊街為大興縣街淮安街為大興右衛樂安街為燕山左衛濟寧街為燕山右衛青州街為永清左衛徐州五所為永清右衛古北口在密雲縣東北百二十里傅友德錫山人顧時字時舉漢人孫興祖漢人薛顯蕭人危素字太模金谿人入明授翰林侍講學士年已七十餘一日帝御東閣側室素行簾外履聲索索然帝問誰也對曰老臣危素帝曰朕謂天大祥耳御史王若論素亡國之臣不宜列侍從詔謫居和州守余闕廟歲餘卒 特穆爾布哈舊作帖木耳不

志以全臣節乃
簾外履聲曉然
以老臣自命其
視馮道之不知
應相去幾何
明祖以文天祥
諷之且以余闕
愧之其為倉生
忘義之小人示
敬潔然嚴于斧
鉞矣

發明

順帝出塞北去未嘗失帝號也太子嗣位改

考諸明史及他書所載洪武三年元祖殂于順昌

太子阿裕寶哩達喇嗣依王保保于和林改元宣

光洪武十一年夏卒國人謚曰昭宗明太祖自為

文遣使弔祭次子特古斯特穆爾繼立改元天元

洪武二十一年藍玉破其軍于捕魚兒海特古斯

特穆爾以其太子添保努遁去將之和林行抵國

拉河為其下伊蘇岱爾繼之吳俊國內亂五傳

至昆特穆爾皆被弑永樂初果勒齊篡立稱汗去

國號遂稱韃靼爾而其屬阿嚕台以果勒齊非元

種殺之迎元之後布尼雅實哩于巴實伯里立為

汗永樂八年成祖親征至郭諾河布尼雅實哩戰

敗僅以七騎絕河遁去越二年布尼雅實哩為衛

拉特瑪哈穆特所殺瑪哈穆特死子托歡嗣欲自

立為汗眾不可乃求元後托克托布哈為主托歡

欽定四庫全書

御定資治通鑑綱目三編

卷一

子額森嗣稱太師托克托布哈擁虛名而已正統
間托克托布哈咸朝貢于明天子厚禮之稱曰達
勒達汗正統十四年額森謀入寇托克托布哈止
之勒森不聽曰汗不為吾當自為于是有土木之
役及工皇歸額森疑托克托布哈與中國通遂弑
之盡收其妻子殺元裔無算而自立為汗時景泰
二年也未幾知院阿拉攻殺額森保喇復攻破阿
拉求托克托布哈子穆爾格爾立之號小王子天
順六年穆爾格爾年共立其兄國斯稱蒙古克時
濟蘇小王子成化初國斯入貢出沒河套既而保
喇弑蒙古克時濟蘇瑪拉噶殺保汗更立他汗復
弑之其後穆都哩入河套稱汗穆都哩死成化末
犯邊者復稱小王子弘治元年小王子奉書求貢
自稱大元大可汗小王子卒弟巴延蒙克代為小
王子正德十三年巴延蒙克卒有三子長阿囉囉
次阿珠鄂囉囉前死阿珠稱小王子未幾卒阿珠

太宗天聰六年

親征察哈爾林丹汗聞之渡黃河西奔國伯特八年復征

之蒙古諸屬部先後悉歸于我林丹汗病瘞卒于
西喇衛古爾部部落打草灘九年其子額爾克喀
爾額哲全部來降編旗駐義州時明崇禎八年也
至是元始滅今于洪武元年秋依火例大書元亡
而其支系流傳則詳為附列以資讀史者考證焉
特古斯特穆爾舊作帖古斯帖木兒添保努舊

欽定四庫全書

御定資治通鑑綱目三編

卷一

作天保奴國拉河舊作土刺河伊蘇岱爾舊作也
速迭兒尼特穆爾舊作坤迭木兒果勒齊舊作魁
力亦阿嚕台舊作阿魯台布尼雅實哩舊作本雅
失哩巴實伯里舊作別失八里郭諾河舊作幹難
河衛拉特舊作瓦刺瑪哈穆特舊作馬哈木托歡
舊作托歡托克托布哈舊作脫脫不花額森舊作
也先達勒達汗舊作達達可汗阿拉舊作阿剌保
刺舊作季來穆爾格爾舊作麻兒兒國斯舊作
脫思蒙古克時濟蘇舊作馬古兒吉思馬拉噶
舊作毛里孫穆都里舊作滿都魯巴延蒙克舊作
伯顏猛可鄂囉囉舊作阿爾倫阿珠舊作阿著伯
奇舊作卜亦達顏汗舊作多顏可汗賽音納蘭舊
作賽音那蘭濟農舊作吉囊諸達舊作俺答察哈
爾舊作特漠圖伯特舊作國白忒西喇衛古爾舊
作密拉衛古兒額爾克喀爾舊作並改
舊舊作額爾克孔果爾額哲並改